



ATASSUT  
Postboks 399  
3900 Nuuk  
+299323366  
Fax: +299325840  
[Atassut@greenet.gl](mailto:Atassut@greenet.gl)  
[www.atassut.gl](http://www.atassut.gl)

Nuuk 22. februar 2008

Inatsisartut suleriaasianni § 36, immikkoortoq 1 naapertorlugu matumuuna imaattumik Naalakkersuisunut apeqquteqarpugut:

**Apeqqut: Timmissat pillugit nalunaarutip naleqqussarneqarnissaa siunertaralugu sulinasuartitap sulinera sumut killippa?**

(ATASSUT-ip Inatsisartuni ilaasortaaitai: Augusta Salling, Emilie Olsen, Kristian Jeremiassen, Thomas Kristensen, Godmand Rasmussen)

**Tunnngavilersuut:**

ATASSUT-mit maluginiarparput piniarneq pillugu isumasioqatigiinnermi Aalisarnermut Piniarnermut Nunalerinermullu Naalakkersuisup isumasioqatigiittunut nalunaarutigigaa timmissat pillugit nalunaarutip allangortinneqarnissaa **kingusinnerpaamik Inatsisartut ukiakkut ataatsimiinneranni** Naalakkersuisunit naatsorsuutigineqartoq.

ATASSUT-mit siunnersuuteqartutut (UKA-102), siunnersuutillu tamakkiisumik Inatsisartuni tapersorsorneqarnera innersuussutigalugu, aammalu Inatsisartut Eqqissisimatitsinermit Ataatsimiititaliaata isumaliutissiissutaa innersuussutigalugu, Naalakkersuisunut eqqaasitsissutigissavarput Inatsisartut Naalakkersuisunut 2007-mi ukiakkut ataatsimiinnermi peqqusimmata Naalakkersuisut suliagasuartitanik pinasuurtumik pilersitsissatut taamaalilluni 2008-mi upernaakkut, nalunaarutip naleqqussarneqarlunilu nutarterneqarnerata malitsigisaanik piniartut amerlanerusunik pisaqarsinnaanerat aqutissiuunneqassasoq Inatsisartut peqqusimmata, taamaammatt ATASSUT-mit akuersaarsinnaanngilarput timmissat pillugit nalunaarutip suliarneqarnera aatsaat ukjaru naammassiniarneqassappat.

ATASSUT-mit naatsorsuutigaarput timmissat pillugit nalunaarutip naleqqussarneqarnissaa siunertaralugu sulinasuartussanik Naalakkersuisut pilersitsereersimassasut, taamatuttaaq

ATASSUT-mit naatsorsuutigaarput piniartut 2008-mi upernaakkut timmiarnialertinnagit nalunaarut nutartigaq naleqqussagarlu atuutilissasoq, taamaammat matumuuna apequtigissavarput sulinasuartitap sulinera sumut killinnersoq?

Piaartumik akineqarnissarput naatsorsuutigaarput, akissutillu ukununnga nassiunneqassasut kissaatigaarput: [aus@gh.gl](mailto:aus@gh.gl) [krje@gh.gl](mailto:krje@gh.gl) [thok@gh.gl](mailto:thok@gh.gl) [gora@gh.gl](mailto:gora@gh.gl) [ekri@gh.gl](mailto:ekri@gh.gl) kiisalu [landstinget@gh.gl](mailto:landstinget@gh.gl)

Qujanaq.